



KO TE

KAHITI O NIU TIRENI.

HE MEA TA I RUNGA I TE MANA O TE KAWANATANGA.

PONEKE, TAITE, APERIRA 23, 1885.

Panuitanga i raro i "Te Ture Whakatikatika i nga Ture Whenua Maori, 1883."

(U.S.) WILLIAM F. DRUMMOND JERVOIS, Kawana.
HE PANUITANGA.

NOTEMEA kua whakataua te whenua i roto i te Kupu Apiti ki tenei ki tetahi tangata Maori o Niu Tireni i raro i etahi tikanga here, a kua puta te tono kia unuhia taua here:

Na he whakaatu tenei kia mohiotia ai tera ka unuhia tonutia te here i runga i taua whenua e Te Kawana, ina pahure nga ra e ono tekau i muri mai i te perehitanga o tenei Panuitanga ki te *Gazette* me te *Kahiti*.

He mea tuku atu i raro i te ringa o His Excellency Sir William Francis Drummond Jervois, Kawana o te Koroni o Niu Tireni, he mea whakaputa ano i raro i te Hiri o taua Koroni i te Whare o te Kawana i Poneke, i tenei te waru o nga ra o Aperira, i te tau o te tatou Ariki kotahi mano o waru rau e waru tekau ma rima.

HONE PARANIHI.
Minita mo te Taha Maori.

E TE ATUA TOHUNGIA TE KUINI!

KUPU APITI.

ETAHI wahi o Waotu ki te Raki Nama 2 Poraka, Waikato, hui katoa nga eka i roto i ana wahi e 28, e meingatia ana kia riro i te Karuana kei tuunga kura, whare waea hoki, e mau na te whakaaturanga i roto i te mapi o taua whenua kei te Tari Ruri i Akarana e takoto ana.

KOOTEI WHENUA MAORI, NIU TIRENI,
TAKIWA O KIHIPANE.

IRUNGA i tetahi whakataunga a te Kooti, i tu nei ki Waipawa, i taua Takiwa, i te 26 o nga ra o Oketopa, 1883, i runga hoki i tetahi tono riiwhi mo te paanga o Kerici

Tanguru i roto i tetahi pihi whenua i taua Takiwa, ko "Te Wii" te ingoa:

I runga hoki i tetahi tono whakawa tuarua i tuhituhia mai ki te Kooti nei i roto i nga marauna e toru i muri mai i taua whakataunga, na tetahi tangata Maori ko Manahi Paewai tona ingoa, he whakaaro nona he mate i pa ki a ia, no roira i tuhia mai ai e ia kia whakawakia tuarua ano taua kereeme.

Na, ko ahau, ko Hone Bruini Maketanara, te Tumuaki Kaiwhakawa o taua Kooti, i runga i te mana kua tukua mai nei ki ahau mo taua mahi, ka whakahaui atu nei kia whakawakia tuarua ano taua kereeme a tetahi tuunga o te Kooti ki Hehitingi, a te 19 o nga ra o Mei, 1885.

He mea tuhituhi i te 7 o nga ra o Aperira, 1885.

Naku, NA TIE MAKETANARA,
Tumuaki Kaiwhakawa.

Tari Maori,
Poneke, Aperira 23, 1885.

HE whakaatu tenei i raro i nga tikanga o "Te Ture Komiti Maori, 1883," kia mohiotia ai kua tu nga tangata e mau nei o ratou ingoa i raro iho nei, hei mema mo te Komiti mo te Takiwa Komiti Maori o East Cape (Te Tai Rawhiti).

HONE PARANIHI.

Wi Pewhairangi,
Epiniha Ratapu,
Hetekia To Kani,
Raniera Turoa,
Pine Tuhaka,
Te Ropihia Tamararo,
Te Moana Tautau,
Panapa Waihopi,
Anaru Matete,
Tuta Tamati,
Wiremu Keiha,
Wiremu Houkamau.